

序

人得天地之氣以生故周身一天地也正氣流行邪氣
無自而入故清升濁降六氣和平如天地陰陽寒暑之
得其正已正氣不足則邪氣乘之清不升濁不降六氣
乖舛如冬雷夏雪山崩水竭之失其正已此理之常夫
人而知之也獨怪夫感之暫發之暴可以久人者莫甚
於痧證而治痧者不診脉不服藥手擦針刺輕者應手
立痊重則數日可愈余甚異焉而未敢輕以為信也丁
亥春仲男元監初患傷風既似瘧疾續成傷寒兼痢湯
藥罔效飲食不沾舌硬唇焦眼光直視醫者皆袖手適

友人金兆行來問疾云得母痧證乎甥某壯年強健霎
時昏暈面赤身僵醫者不下藥有奚佳棟者視之微笑
曰痧也鍼刺錢刮而愈鄰某亦霎時頭眩眼昏身不蒸
熱僵臥不語已至七日醫稱陰痧難療佳棟鍼之而愈
因囑余延奚余不可強請視之奚至曰此亦痧證也其
始雖不由腹痛然痧固不必盡由於腹痛也幸感冒輕
微本原尚固錯投藥餌閉塞邪氣故備見凶象而未有
害隨用鍼刺流出黯血睛轉舌軟而脉起矣始食陳米
粥幾匙三四日後漸進飲食調息一月而愈余於是而
知有痧也知有治痧之法也深叩之謂傳自天台老僧

音淨辨論精微條分縷析經絡不同重輕或異非可襍
然施治今之視疾者概為感冒風寒表邪發汗薑蔥妄
投何異拯溺者之不援以手而投之石也有識痧者不
診脉不用藥不耗原氣不費厚資追索病根按穴鍼刮
刻時平復真有起死回生之功理宜德之尊之而每輕
之薄之何也服藥者靡費千百而不痊治痧者不費分
文而即愈雖云小技生死存亡繫焉而輕之薄之是何
視醫藥甚重而視性命反輕也宜乎醫者不屑為為之
者多畦丁里媪也苟能醫者為之燭其腠理佐以湯劑
活人之功可勝道哉嗚呼余非敢附會因其屢治屢驗

且觀書之所自傳言之合乎理乃贅一言以為序庶幾
福田之一端亦醫者之一助云爾

此序不知作於何人亦不識歲月書孫邱天序輯詳
叙普淨佳棟殆即出於輯者之手與較之痧脹玉衡
雖方藥簡略而鍼刮之法實足以補其不逮因并錄
之道光二年壬午仲春月上浣孫圮識

痧證指微目錄

上部 十六條

中部 十一條

下部 十三條

重證 二十三條

危證 三可治

復發 三不治

經穴圖 三

頭面部 十四穴

胸腹部 九穴 ○ 附穴一

背部 三十五穴

手部 二十穴 ○附穴二

足部 十二穴

方中引用藥性考

妙證指微

天台山僧普淨著

上部

顛折第一

蟹眼第三

蛇舌第五

耳震第七

黑眼第九

毘陵

卷五 東述

逸士

邱天序輯

太倉

孫玘訂

雙丸第二

頭風第四

羊舌第六

腦後第八

白眼第十

黑齒第十一

黑舌第十二

鎖喉第十三

鶴頂第十四

櫻桃第十五

黑疱第十六

鼻準第十七

天頂第十八

顛折 頭搖痛如打折。面帶麻木顛搖。係感外邪。如久

不治。邪走心經。并舌麻木。舌出吐出。宜用錢蘸香油

刮腦戶穴。

下刮法
皆同

用針刺風府穴。方用

砂仁

廣藿香

檳榔

木通

蘆粟梗

各等分

河水井水各一碗。燈心二十寸。煎八分服。

凡用鍼只宜淺而橫。不可深而直。恐刺筋骨傷人。又

高粱埽帚。即蘆粟梗也。用之亦佳。

雙丸。兩太陽痛。或左太陽痛。或右太陽痛。此係身受寒邪。如久不治。邪走肺經。心肺俱脹。滿身麻木。兩眼酸痛。飲食不思。口吐酸水。宜刮兩懸釐穴。

蠟眼。兩眼睛定。凸出作痛。此感受外邪。并頭眼脹。先

用大拇指抵住兩眼眶上。少頃微針印堂穴。又法以指頭兩箇捏出紅痧。或紫痧。用針淺刺出血為妙。

頭風。頭腦疼痛。係感外邪。先用兩手指捻印堂穴。再針兩絲竹空穴。

蛇舌。舌吐出如蛇舌伸縮不止。係心經觸受外邪。嘔

吐酸水涎痰先刮兩肩井穴。用針刺舌上。如久不治。則善笑笑。後心偏而成顛證矣。

羊舌 舌斜伸左邊。則眼亦偏左邊。舌斜伸右邊。則眼

亦偏右邊。此係肺經受邪。因脫衣時先脫左。左受邪。先脫右。右受邪。初起心膈悶痛。延久不治。則風氣下降。滿身脹緊。多笑而成癡呆矣。用針刺舌。再刺肩井穴。若斜左刺左。斜右刺右。

耳震 耳內響如鐘鳴。鳴即聾。此係腎經受邪。氣脉不順。用針刺風府穴。刮懸釐穴。

腦後 此係腦門受邪。故腦痛。如誤用發表藥。則死。宜

針風府穴。刮兩肩井穴。

黑眼 眼白變為黑色。係受外邪。用葦荻艸皮硝各一錢。陰陽水煎湯洗二三次即愈。若日久不治。則邪傳腎經。兩目昏暗。迎風下淚。怕日羞明。漸成外障。宜刮兩懸釐穴。針手小骨空穴。

白眼 眼珠白膜遮睛。此腎經受邪。用前方煎湯洗三五次即愈。若延久不治。倘遇惱怒傷肝。身體發熱。眼成內障。若將黑珠內外水煎乾。則失明矣。治法同上。黑齒 牙齒變為黑色。此係腎經受邪。日久不治。則毒氣入骨。大寒大熱而難治。宜針水溝穴。刮兩臂臑穴。

黑舌。舌上變為黑色。此係心經受邪。日久不治。則舌焦而硬。為不治之證矣。宜針舌上中間出血。刮兩臂臑穴。

鎖喉。耳上頸項脹痛。此係外皮受邪。因卧枕漏風。喉下脹痛。難進湯物。針顙息穴。可刮可灸。左痛刮左。灸左右痛刮右。灸右。

鶴頂。眉心紅絕。刺刺作痛。此係心經邪熱上衝。如凸起變為黑色者。不治。微刺印堂穴。

舌上生紫疱。此係心經受邪。刺破出血而愈。

黑疱。舌上生黑疱。此係心經受邪。甚重。毒氣衝肺。經

刺破血出而愈。稍遲不救。

鼻準。有左鼻塞。右鼻塞。有兩孔俱塞。此係外皮受傷。

用燈心取嚏。再刺水溝穴。

天頂。頭心脹痛。此係外皮受邪。延久不治。或誤用藥餌。必成搖頭痼疾。刮前頂穴不愈。用蒜瓣墊穴上。以

艾灸七壯。

以上諸證用藥與顛折同。

中部

斜肩第十九

膚刺第二十

陰陽第二十一

天庖第二十二

白線第二十三

紅癰第二十四

對胃第二十五

穿胃第二十六

穿膈第二十七

鑽心第二十八

逆血第二十九

斜肩 此係外皮受邪。左肩痛則左垂。右肩痛則右垂。

延久不治。或誤用藥餌。成半身不遂之證。以三指拍兩曲池穴。出紫塊。刺出毒血。再刮兩臂臑穴。

案拍現紫塊以熱水蘸拍則易現。

膚刺

此感受外邪。滿身皮膚刺痛。宜刮兩臂臑穴。兩

曲池穴。兩間使穴。兩大陵穴。針兩中魁穴。兩骨空穴。

陰陽

此感受外邪。或半身冷。或半身熱。或半身麻木。

難動。延久不治。必成半身不遂。宜刮兩臂臑穴。兩肩

井穴。針兩中魁穴。兩骨空穴。兩五虎穴。

天庖

此係肺經受邪。證有三等。或寒證。或熱證。或寒

熱兼證。初發在間使穴。或大陵穴。總在手臂上。如黑

痣大。或二三粒。或七八粒。漸漸長開。如圍棋子大。以

手捋之。往上往下活動。痛楚非常。若移至曲池穴。臂